

2 Tesalonaika

¹ Paulo, Sailas so Timoti n̄edo n̄ei n̄erep doku tau tau magu, Tesalonaika matko gemami, Anutu Magak so Waom Yesu Kristo wane n̄ei n̄erep, n̄inane kibi iwa gemaine.

² Anutu Magak so Yesu Kristoŋo maine wet menaŋ so peam n̄iboniaike.

Kristo Yewao Wano Wanok Wakoniaike Lotkeake

³ Kimakop, naso baŋem n̄ene n̄inane raŋem paki Anutu bakomine kito okanmaine. N̄ene iwa okanmaine, yemo mayakatne, onokawane n̄inane mali malipn̄inerŋo zok manerop suamaike, so wet maep n̄ine bonep bonep yewaŋo doku tau tau magu okan nagukei, yewa mo zok kakapa suaine okanmaike.

⁴ Kine ea wane, n̄ene n̄edom Anutu wane doku tau tau magu gemami, eŋane keueno n̄ene n̄inane don kisi ra mawa n̄une okanmaine, n̄ene ra edane mawaŋune okanmaine, yemo n̄aba edo masi worik okanŋunbi, n̄ine wikile so wetborik korop geu paki, mali malipn̄ine mi qorodongji soringeu paki, togogole malipke okoramami paki, umat so wikile kine kine korop teweke okoramami, ea wane.

⁵ Iwa yemo Anutu wane wano wanok koboine, onoka wane kine korop iwa yalinane, n̄ine baŋ gege togon Mat Uruminane kotino wake waket wane rokop maratkaikei wane n̄ine wikile kutno gemami.

⁶ Anutuño detki koboine pamaike, ea wane rokop ban okanñoniake, ñine wikile ñibonmami, ñei yewa eñe wikile eboniake.

⁷ No wikile detmami, ñine yemo magunut ñungi paki, ñene yaleka okan ñoniake, eñe iwa ban okaniake yemo Waom Yesu eñine lotkeake, naso yewao añelo magukoune zonominerop loutne eñerop qeliwo ñine sari okanñoniake.

⁸ Gerep bolamgorop sariki paki Anutu mi detka okanmami, ñei yewa so Waomze Yesu Kristo wane Don Maine yewa dere ñadek okanmami ñei yaline korop engu matalioniake.

⁹ Ñei yewa eñe turuñine bori wori wane wikile togogole maratkau Waom kaitino ñine so zomine togogolane saraino, ñine ebu mapok one biraongi ariki.

¹⁰ Eñe sariake, Kaiwe Naso yewao yemo, ñei ñerep magukoune korop eñano ñine qeli ewe zonom mayakane, so mali malipkorop eñanoñine bakom mawa mawa mayakane, ñine yaleka weneñ eñane keuo okorakei, onokawane ñene don ñidangone, yewa ñine dere malipkakoi, ea wane.

¹¹ Kine iwa yale wane, ñene naso banem ñinane meñenka okanmaine, ñene Anutuze olatmaine, yemo ñine gege gekeiwane raki paki, ñidora newanñunge, ea wane rokopko gekei wane, olat okanmaine, wane eñe eñine zonomño maine qesiññungi, kine kine maine korop okangei wane wetkemami, yewa okanwarekei, paki mali malipñinane urata wele maratka warekei.

¹² Numa yaleoken okanbi, Waomze Yesu wane eñetineño ñine ñibu wieake, ño ñido eñane

eŋetine ma wiekei, iwa yemo Anutuze so Waomze Yesu Kristo qomine rarainane yale okan ŋuniake, ea ŋene ŋinane meŋenka okanmaine.

2

Borikine Mama Ŋei Eŋe Wakone Ŋei Wet Ma-siuk Okanone Geki Yesu Lotkeake

¹ Kimakop, Waomze Yesu lotke lotkeinane so ŋenze eŋerop weneŋ maratnagu gege wane don iwa yale ŋidanmaile,

² isi ŋei natne eŋe rakoi, Waom sariakane nasoine mo lotke more yuanŋunge, yale ra ŋidanbi ŋine ikopka wetŋineŋo misuk dere siukkei, me mi qisekei. Ŋinano ŋino ŋei natneŋo Asu wano more raikēi, me ŋenane aŋao more ŋidanikei, me raikēi edo kibiwo qe ŋebongoi, yale ŋidanikei.

³ Don kine kine yale, me yale ra isiŋunbi misuk desikei, Waom wane Naso ikopka mi bomileake, alakane miti Matali Qetali Mama Ŋei yewa wakone pakimo, Borikine Mama Ŋei eŋe gerep sorao wane biŋek, ketki zeakane didiwo wakoniake.

⁴ Eŋe baŋ ŋei eŋe yeye kine kine korop ea wane ra meŋenka okanmami, so ŋei eŋe yeye kine kine mayakatne ra okanmami, yewa ŋabaka wareake. Eŋe baŋ eŋine eŋetine mawa naguki paki, natne korop ebu ket biraoniake, paki Anutu wane Bakom Urungo ari waketki paki pese mere eŋinane “na Anutu” rayake.

⁵ Na ŋinerop gekole, yewao iwa wane mo korop ŋidan warekole, ŋine ea mi detmami me?

⁶ Nɔ iwa yemo wakonbe rakimo, kine kine manenjo lenkamaike, ea nɔine mo detkamami, nasoine pamaike, yewao yemo Borikine Mama Nɛi, yewa ene ban didiwo wakoniake.

⁷ Borikine ene urata mo sankama okanmai, nɔ tanik daleo wakoniake, eamo ikop mi wakoniake. Ene paki nei mane manjo mainkaki zinge okanmai, ea maki masakaniake.

⁸ Pakimo Borikine Mama ene ban didiwo wakongimo, Waom Yesu wane Asuinenjo anaino nɔine ban saketki paki qeake, paki didiwo sari lotkeakane qeli ewe zonominenjo qe kito pelekki siukeake.

⁹ Borikine Mama Nɛi yewa, ene ban Satan wane zonom yewarop sariake, paki masi kine kine togole mayake, so tanik kine kine isisine so gotkoine kunenine mayake.

¹⁰ So nei midakei wane binjek gemami, ene borikine maikei wane, wet masiuk okanoniake, ene midakei yemo onoka wane mida, ene don wele dere mena menan yewa nadekka okanmami, ea wane midakei.

¹¹ Kine iwa yalinane, Anutuɔo liwe liwek wane zonom suaine talekaki ket more, nei enane keueno urata maki, ene isi don wele midaine yewa dere malipkaiki.

¹² Ea wane weleine yemo nei korop don wele dere mi malipka okanmami, nɔ ene silun borikine simile det okanmami, nɔ ene silun borikinane simile det okanmami, ene turunine wikile maratkaiki.

Anutuɔo Koso Nibuyakane Mo Ma Wakonunge

¹³ Kimakop, njine Waomņo wet maep okanņun okanmaiķe, njene ea wane njinane Anutu naso baņem bakomine kito okanmaine, Anutuņo mokaka koso njibuyakane ma wakon njunge, yemo Asu wane zonomņo njibuki Anutu wane nej njerep magu libe libe okangoi, so mali malipņineņo don wele dere malip kakoi, yale okangoi wane, Anutuņo koso njibuke.

¹⁴ Njene don maine njidangone yewao, Anutuņo njidora newan njunge, eņe newan njunge, yemo njine Waomze Yesu Kristo wane qeli ewe zonom yewa welaine okane ma gekeiwane.

¹⁵ Eso ea wane kimakop, njine togogle okorau paki, don wele kito njibongone, aņaņo njidangone, me kibiwo qe njibongone, yewa malilipka oko-rakei.

¹⁶ Waomze Yesu Kristo oņom, so Anutu Magazeņo wetmaep okan njonge, so eņine wetne mayakakatnane wetpese papatogon yewa, njenane biņek rake, ea toma kakenane ra njebonge.

¹⁷ Oņo maine njinane kotoņine maki qaeake, so ma togoleņungi togole more urata maineka maiķei, so don mayakatneķa raiķei.

3

Nenane Meņenkau Anutuņo Qesiņņoniaķe

¹ Kimakop, njenane rau paki meņenkau, Waom wane donņo tako rakotka sua ariķi qeli ewe zonomine njinane keu njino wakonge, yalewaka wakone ariake.

² Eso koso yaleķa meņenkau, Anutuņo nej borikine mama so tanik manikene qotkoine eņane meteo njine makokņoniaķe. Nei koropņo

Anutu wane don dere malipka mi okan okanmami.

³ Njo Waom yemo raki togole togole, ea wane ene ban ma togolejuniake so warejungi, Nei Borikine Welaineno mi njibu teba njuniake.

⁴ So Waomjo njinane raki paki wet pesek nebonmaike, jene detlukmaine yemo jene don njidanimaine, yewa jene dere ma okanmami, wane jene koso don njidanjem jene ban dere takotke ma okane gekei.

⁵ Waomjo maine kotonjine iwenkaki, Anutu wane wet maep yewa qeirop dere ketpi paki, Kristono togogole okora umat teweke nebonge, yewa detluk kaikei.

Urata Kitoqoke Qewolon Ge More Miti Mage Mage Eamo Mi Pamaike

⁶ Kimakop, Waomze Yesu Kristo wane enetko jene togoleka njidanjem detpi, kimakopze doku tau tau magu natnejo tabon qewolon ge okanmami, ene nedo don kito edangone, yewa mi teweke mogare ge okanmami, nei yaline ene korop kakakjone arikei.

⁷ Njine njidom kine mo detlukware mami, wane jene okangone ea wane rokopka jene okanikei, jene njinerop genjem paki, tabon qewolon mi gekone.

⁸ Nene nei mane wano jene sola qesinj mane lewine midaine mi omakakone, midakaka, oma kaikenane turujine yemo jene urata makone, so wikile detkone, kaiwe so ruo urata togogole makone paki, natne jene wikile urata mi njibonikenane, yale okangone.

⁹ Nene iwa okangone yemo, nene Aposolo netne wesi abonj wane qesiŋ ŋonikenane raŋunŋem rap, ŋo nene ŋinano ŋine sola qesiŋ mane mi raŋunŋem ŋebongeŋ yem midaka, nene iwa okangone, yemo ŋine nene okangone, yewa kau paki mogare, yalewaka okane gekeiwane numa sikan ŋungone.

¹⁰ Nene ŋinerop ge more, iwayale ŋidangone, “Nei mane urata mayakane bauine wakiso, ŋine ŋara misuk manbi neake!”

¹¹ Nene don iwa ramaine yemo onokawane, nene detŋem, ŋei natne eŋe ŋinane keu ŋino tabonj qewolonj geokanmami, eŋe urata mane mi mama yaup ŋei natne eŋane uratao dongoka welaineno qole qole don sawaŋ rau paki, qewelonj geokanmami.

¹² Nene Waom Yesu Kristo wane Pidon wane ŋei yewa togoleka edane more, girem don iwa yale edanŋem detlukkei, eŋe pese ketluke mere urata mau wele wakongi, enŋeno ŋine ma nekei.

¹³ No kimakop, ŋine yemo siluŋ masi tanik maine okanikei wane, bauŋine misuk wayake.

¹⁴ Yewao ŋei maneno don korop kibiwo qe ŋibonmaine, iwa baŋ dere mi tewekeake, eŋe yale okangiso, ŋine kineine detkau paki, kine kine mane misuk okanka more qeliŋkau, eŋineka geake. Paki kineine dere baŋ gamukaki, wetine maingeake.

¹⁵ No ŋine ŋaba yale misuk okankaikei, ea wane turuŋine yemo kima ma more, girem don olasikei.

Don Mosop Piwitne

¹⁶ Waom enjine, yemo nenane peam wane kine, onjo naso banjem peam maine ma wakone njiboniake paki, njinano rokopke ware payake, Waomno njinerop korop ge wareake.

¹⁷ Na Paulo, nae metenenjo kibi piwitne iwa ge more, kaiwe maine ramaile. Kibi ge okanmaile, korop ea wane mete kibine iwa yale mot okanmaile.

¹⁸ Waomze Yesu Kristo wane mosopno njinano korop papa togon pawareake.

Waom Yesu Wane Sigi Maep Don
The New Testament in the Ono Language of Papua
New Guinea

Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

646541a1-8d36-5993-802c-6bb850da5963